



## Universitätsbibliothek Paderborn

**De Virtvtvm Adeptione, Siue De Instrvmentis  
Assequendæ Virtvtis libellus R. P. Iacobi Alvarez De Paz  
Toletani è Societate lesv**

**Álvarez de Paz, Jacobo**

**Coloniae Agrippinae, 1615**

§. 2. De Abstinentia.

[urn:nbn:de:hbz:466:1-46634](#)

## De Abstinentia. §. II.

**A**bstinentia est virtus qua voluptatem, in usu ciborum sitam, refran-

*Basil. in reg. 16. fu-* mus, & debitum modum in eorum sumptio-

*sus dispu.* ne constituimus. De qua Basilius sub alio nomine ait: Continentiam autem appellamus, non si quis se à cibo penitus abstineat; quando hoc violenta quædam vita dissolutio est: sed eam, quam tollendæ contumacia corporis causa, pietatis ergo, de industria sequimur rerum voluptatem titillantium abstinentiam. Est itaque duplex huius virtutis pars; altera, quæ in aliamentis necessaria sumit; altera, quæ sine notando salutis detimento pro virtutis amore ex necessario aliamento aliquid demit.

Incitamenta ad Abstinentiam sunt:

I. Christus Dominus abstinentiam perpetuò coluit, parcissimis cibis v-

*Mat. 4. 2.* tens, & quadraginta diebus & qua-

*Luc 21.* draginta noctibus ieunauit, & absti-

*34.* nentiæ præceptum tulit, dicens: Ne grauentur corda vestra in crapula & ebrietate. Sacerdos etiam omnes ad ab-

stinentiam sectandam occultis men-  
us instinctibus hortatus est: qui dum cibo-

ciborum corporalium delicias contemperunt; se mirificè ad delicias spiritus præpararunt.

II. Abstinentia orationi copulata, multa & magna dona à benignitate Domini solet impetrare, ut passim ex diuinis Scripturis constat. Dumque corpori superflua denegamus, ad orationis studium, atque aieò ad cœlestia dona suscipienda, capaciores efficimur. Egregiè namque dixit Cyprianus: Sed & de victu parco; & sobrio potu, diuinis indignationibus admone- mur, scilicet ne vigore cœlesti sublime iam pectus illecebra sœularis eneruet, vel ne largioribus epulis mens grauata, minus ad preces orationis euigilet.

Cyprian.

lib. 4.

Epist. 4.

III. Magni momenti est ad tenendam abstinentiam illa consideratio, quam Laurentius Iustinianus latè prosequitur: Quanti scilicet ante a die disciuites; & postmodum ad mendicitatem plin modelapsi fame tabescunt: quanti ægroti nast. c. 20. vtriusque sexus ex defectu necessarij alimenti pereunt: quanti innocentes & conspicuae vitæ viri in graui, aut extrema necessitate degunt, in quorum con-

L 7 spectu

*spectu, ciborum superfluitate & lauti-  
tia distendi, vix potest à nota crudelita-  
tis excusari.*

— Actiones Abstinentiæ sunt: I. Cibos  
ab Ecclesia vetitos, pro tempore, quo  
prohibentur, non sumere.

II. Ieiunia Ecclesiastica exactè ser-  
uare, ex propria regula, aut instituto,  
ordinata custodire: & ex consilio ali-  
qua non præcepta suscipere.

III. Hora consueta, secundum mo-  
rem regionis, aut congregationis, in  
qua viuimus, manducare,

IX. Cibos lautiores ac pretiosiores,  
quā necessitas & status ferat, auersari.

V. Communes cibos, non exquisitè  
præparatos, sed vt cumque oblatos,  
libenter comedere.

VI. Quantitatem ciborum, saluti  
corporis necessariam, & saluti ani-  
mæ non officientem, tantū accipere.

VII. Ante comedionem, cogitatio-  
nes de cibis penitus abscindere, & in  
ipsa comedione æstum & nimiam a-  
niditatem cohibere.

VIII. Ex quantitate, & qualitate,  
& numero esculentorum, ea omnia  
sub-

subtrahere, quæ saluti carnis non no-  
ceant, & mentis puritati deseruant. 2. Pet. I. 6.  
Hoc enim est, quod inquit Petrus:  
*Ministrate in scientia abstinentiam: ita-*  
scilicet abstinentiam custodite, ut  
mensuram discretionis minimè post-  
habeatis.

Postulatio Abstinentiæ: Domine  
Iesu Christe, qui cum sis Deus noster,  
cibus etiam noster in sacro sancto Eu-  
charistiæ mysterio fieri dignatus es:  
accende in nobis tui ardentissimum  
desiderium, & carnis viles concupis-  
centias enerua, ut eam frugaliter re-  
ficientes, & vt tabernaculum tuum  
virtute abstinentiæ mundantes, per  
puritatem eius, qua à vitijs abstinet,  
& per munditiam mentis, qua corpo-  
ris delicias spernit, ad frequetiorem  
panis cœlestis receptionem dispo-  
namur. Amen.

*De Sobrietate. §. III.*

**S**Obrietatæ est virtus, qua affectum &  
vsum potionis præcipue inebriare va-  
lentis, moderamur. Quam virtutem  
Theologi, qui semper pressè loquun-  
tur,